

Ո Ր Ո Շ ՈՒ Մ

Արգելադրված գույքը հարկադիր էլեկտրոնային աճուրդով իրացնելու մասին

30.04.2019թ.

ք. Երևան

Հարկադիր կատարումն ապահովող ծառայության Երևան քաղաքի Շենգավիթ բաժնի հարկադիր կատարող Ա.Ավագյանս ուսեմնասիրելով 30.04.2019թ. վերսկսված թիվ 01826780 կատարողական վարույթի նյութերը

Պ Ա Ր Զ Ե Ց Ի

Երևան քաղաքի Շենգավիթ վարչական շրջանի ընդհանուր իրավասության դատարանի կողմից 25.12.2015թ. տրված թիվ ԵՇԴ /1576/02/15 կատարողական թերթի համաձայն պետք է՝ Համեստ Վովայի Հարությունյանից հոգուտ <<ՎՏԲ-Հայաստան բանկ>> ՓԲ ընկերության բռնագանձել 894.482 դրամ 30 լումա, որից 630.000 դրամը որպես ժամկետանց վարկի գումար, 37.282 դրամ 20 լուման որպես վարկի դիմաց հաշվարկված տոկոս, 11.110 դրամ 10 լուման որպես ժամկետանց տոկոսի դիմաց հաշվարկված տույժ, 187.740 դրամը որպես ժամկետանց գումարի դիմաց հաշվարկված տույժ, 28.350 դրամը որպես վարկի սպասարկման հաշիվներ, 17.889 դրամ 70 լումա նախապես վճարված պետտուրքը, ինչպես նաև ժամկետանց վարկի մնացորդի և տոկոսների նկատմամբ 27.03.2015թ.-ից սկսած մինչև պարտքի փաստացի մարումն օրական 0,1%-ով հաշվարկվող տույժը՝ հիմք ընդունելով 07.06.2013թ. կնքված հա. ՈՎ_046_13_00415 ոսկյա իրերի գրավադրմամբ վարկի տրամադրման պայմանագրի 11.1 կետը:

Պարտապանից պետք է բռնագանձել նաև բռնագանձման ենթական գումարի հինգ տոկոսի չափով գումար, որպես կատարողական գործողությունների կատարման ծախս:

Իրականացված կատարողական գործողությունների ընթացքում գրավի առարկան ոսկերիչ-փորձագետի կողմից գնահատվել է 731.600 ՀՀ դրամ:

Պարտապանին պատկանող այլ գույք կամ եկամուտներ չեն հայտնաբերվել:

27.02.2019թ.-ին պահանջատիրոջը և պարտապանին առաջարկվել է նրանցից որևէ մեկի նախաձեռնությամբ 60-օրյա ժամկետում սնանկության հայց ներկայացնել դատարան և 27.02.2019թ.-ին թիվ 01826780 կատարողական վարույթը կասեցվել է <<Սնանկության մասին>> ՀՀ օրենքի 6-րդ հոդվածի 2-րդ մասով, <<Դատական ակտերի հարկադիր կատարման մասին>> ՀՀ օրենքի 28-րդ հոդվածով և 37-րդ հոդվածի 1-ին մասի 8-րդ կետով:

Պահանջատիրոջ և պարտապանին առաջարկված 60 օրյա ժամկետը լրացել է, և սնանկության վերաբերյալ հարկադիր կատարումն ապահովող ծառայություն հայցադիմումի օրինակ չի ներկայացվել:

Վերոգրյալի հիման վրա և ղեկավարվելով «Դատական ակտերի հարկադիր կատարման մասին» ՀՀ օրենքի 28, 43 հոդվածներով և «Հրապարակային սակարկությունների մասին» ՀՀ օրենքի 35.1-35.4 հոդվածներով

Ո Ր Ո Շ Ե Ց Ի

Գրավի առարկա հանդիսացող ներքոհիշյալ գույքը

h/h	լուծի անվանումը նկարագիրը	գույքի քանակը	գնահատման գինը	մեկնարկային գինը
1	Ոսկյա շղթա՝ 583 հարգ, 48.9 գրամ	1 հատ	537.900 դրամ	403.425 դրամ
2	Ոսկյա շղթա՝ 583 հարգ, 9.2 գրամ	1 հատ	101.200 դրամ	75.900 դրամ
3	Ոսկյա մատանի ամուսն.՝ 583 հարգ, 7.2 գրամ	1 հատ	79.200 դրամ	59.400 դրամ
4	Ոսկյա մատանի՝ 500 հարգ, 1.4 գրամ	1 հատ	13.500 դրամ	10.125 դրամ

ներկայացնել հարկադիր էլեկտրոնային աճուրդի, էլեկտրոնային համակարգի կիրառմամբ՝ հարկադիր կատարման ծառայության աճուրդի էլեկտրոնային կայքի՝ harkadir.ajurd.am միջոցով:

Հարկադիր էլեկտրոնային աճուրդի սկիզբը՝ 18.06.2019թ.:

Որոշման պատճենը ուղարկել կողմերին

Որոշումը կարող է բողոքարկվել ՀՀ Վարչական դատարան կամ վերադատության կարգով, որոշումը ստանալու օրվանից 10 օրվա ընթացքում:

«Դատական ակտերի հարկադիր կատարման մասին» ՀՀ օրենքի 28 հոդվածի 5-րդ մասի համաձայն հարկադիր կատարողի որոշման բողոքարկումը չի կասեցնում կատարողական գործողությունները, բացառությամբ օրենքով նախատեսված դեպքերի:

ՀԱՐԿԱԴԻՐ ԿԱՏԱՐՈՂ
ԱՐԴԱՐԱԴԱՏՈՒԹՅԱՆ ԿԱԴԻՏԱՆ՝

Ա. ԱՎԱԳՅԱՆ

Ծ Ա Ն Ո Թ ՈՒ Թ Յ ՈՒ Ն Յուրաքանչյուր լոտի հարկադիր էլեկտրոնային աճուրդի ավարտի հաշվարկային ժամ է համարվում կայքում տվյալ լոտի վերաբերյալ ծանուցումը հրապարակելու 10-րդ օրվան հաջորդող աշխատանքային օրվա համապատասխան ժամը: Յուրաքանչյուր չկայացած հարկադիր աճուրդից հետո՝ երրորդ աշխատանքային օրը, կայքում գետեղվում է կրկնակի հարկադիր էլեկտրոնային աճուրդի դրված լոտի մասին ծանուցումը:

Եթե աճուրդը չի կայացել գնորդ չլինելու կամ լոտի մեկնարկային գնի հավելում չկատարվելու հիմքով, ապա հաջորդ հարկադիր աճուրդ կազմակերպելուց վաճառվող լոտի մեկնարկային գինն իջեցվում է նախորդ աճուրդի համար սահմանված մեկնարկային գնի տասը տոկոսի չափով: Եթե աճուրդը չի կայացել գնորդի կողմից լոտի գնման գինը սահմանված ժամկետում չվճարվելու կամ առուվաճառքի պայմանագիրը չստորագրելու հիմքերով, ապա լոտի մեկնարկային գնի իջեցում տեղի չի ունենում: Եթե պարտապանն ունի այլ գույք, ապա լոտի մեկնարկային գինը տասներորդ հարկադիր աճուրդից հետո հաջորդ աճուրդներում չի իջեցվում: Եթե պարտապանը չունի այլ գույք, ապա հաջորդ աճուրդներում լոտի մեկնարկային գինը չի իջեցվում քսաներորդ հարկադիր աճուրդը չկայանալու դեպքում:

«Հրապարակային սակարկությունների մասին» ՀՀ օրենքի 35.4 հոդվածի 4-րդ, 5-րդ և 6-րդ մասերի համաձայն երկրորդ և յուրաքանչյուր աճուրդից հետո, լոտը /գույքը/ չվաճառվելու դեպքում պահանջատերը աճուրդի ավարտից հետո երկու աշխատանքային օրվա ընթացքում իրավունք ունի պահանջի դիմաց այն ընդունել այդ աճուրդի մեկնարկային գնով: Պահանջատերը պահանջի դիմաց լոտը իրեն հանձնելու վերաբերյալ գրավոր պահանջը կարող է ներկայացնել Հարկադիր կատարումն ապահովող ծառայություն մինչև չկայացած աճուրդից հետո երկրորդ աշխատանքային օրվա ավարտը: Գույքը /լոտը/ պահանջատիրոջը հանձնվում է վերջինիս կողմից կատարողական գործողությունների կատարման ծախսերը վճարելուց, իսկ գույքի /լոտի/ հանձնման կապակցությամբ հարկեր վճարելու պարտականություն առաջանալու դեպքում նաև դրա կատարումը հավաստող փաստաթղթերը ներկայացնելուց հետո: